

水經注卷二十



漢 桑 欽 撰

後魏 酈 道元 注

漾水 丹水

漾水出隴西氐道縣蟠冢山東至武都沮縣為漢水
 常璩華陽國記曰漢水有二源東源出武都氐道
 縣漾山為漾水禹貢導漾東流為漢是也西源出
 隴西蟠冢山會泉逕蔬萌入漢始源曰沔按沔水
 出東狼谷逕沮縣入漢漢中記曰蟠冢以東水皆
 水經注 卷二十 一

東流蟠冢以西水皆西流即其地勢源流所歸故
 俗以蟠冢為分水嶺即此推沔水無西入之理劉
 澄之云有水從沔陽宋本作河陽縣南至梓潼漢壽入
 大穴暗通罝山郭景純亦言是矣罝山穴小本不
 容水水成大澤而流與漢合庾仲邕又言漢水自
 武遂川南入蔓葛谷越野牛逕至開城合西漢水
 故諸言漢者多言西漢水至葭萌入漢又曰始源
 曰沔是以經云漾水出氐道縣東至沮縣為漢水
 東南至廣魏白水几作廣魏宋本俱作廣漢診其泂注似與三

□云在□當
 □□在酈□

□魏各以其代則無所不

譚云每言奇發顯發形容水妙勝多多

譚云破句讀
□嚴作戲觴
□字相連為
□□□人

水經注

卷二十

二

說相符而未極西漢之源矣然東西兩川俱受沔漢之名者義或在茲矣班固地理志司馬彪袁崧郡國志並言漢有二源東出氐道西出西縣之嶓冢山鬪駟云漢或為漾漾水出崑崙西北隅至氐道重源顯發而為漾水又言隴西縣嶓冢山在西漢水所出南入廣魏白水又云漾水出獮道東至武都入漢許慎呂忱並言漾水出隴西獮道東至武都為漢水不言氐道然獮道在冀之西北又隔諸川無水南入疑出獮道之為謬矣漢地理志獮道縣在

天水郡應劭云獮戎邑也音完又云漢漾也東為滄浪水山海經曰嶓冢之山漢水出焉而東南流注于江然東西兩川俱出嶓冢而同為漢水者也孔安國曰泉始出為漾其猶濛耳而常璩專為漾山漾水當是作者附而為山水之殊目矣余按山海經漾水出崑崙西北隅而南流注于配塗之水山海經醜塗穆天子傳曰天子自春山西征至于赤烏氐己卯北征庚辰濟于洋水辛巳入于曹奴之人戲觴天子于洋水之上今當穆天子傳亦缺曹奴二字遂不可句

乃獻良馬九百、牛羊七千。天子使逢固受之。天子乃賜之黃金之鹿，戲乃膜拜而受。余以太和中從高祖北巡，狄人猶有此獻。雖古今世殊，而所貢不異。然川流隱伏，卒難詳照。地理潛閔，變通無方。復不可全言闕氏之非也。雖津流派別，枝渠勢懸，原始要終，潛流或一，故俱受漢漾之名。納方土之稱，是其有漢川、漢陽、廣漢、漢壽之號。或因其始，或據其終，縱異名互見，猶為漢漾矣。川共目殊，或亦在斯。今西縣蟠冢山西漢水所導也。然微涓細注，若

水經注

卷二十

三

通冪歷津注而已。西流與馬池水合，水出上邽西南六十餘里，謂之龍淵水。言神馬出水事，同徐吾來。淵之異徐吾當作余，漢書元狩二年，馬生，應劭注：水中。當元鼎四年，馬生，渥注：水中。應劭注：朔方。吾故因名焉。開山圖曰：隴西神馬山有淵池，龍馬所生，即是水也。其水西流，謂之馬池川。又西流入西漢水。西漢水又西南流，左得蘭渠，溪水次西，有山黎谷。水次西，有鐵谷。水次西，有石耽谷。水次西，有南谷。水並出南山，揚湍北注，右得高望谷。水次西，得西谿。水次西，得黃花谷。水咸出北山。

飛波南入西漢水又西南資水注之水北出資川
導源四壑南至資峽總爲一水出峽西南流汪西
漢水西漢水又西南得峽石口水出苑亭曰草
黑谷宋本作苑亭
西草本黑谷三溪西南至峽石口合爲一瀆
東南流屈而南注西漢水西漢水又西南合楊廉
川水水出西谷衆川瀉流合成一川東南流逕西
縣故城北秦莊公伐西戎破之周宣王與其大駱
大丘之地爲西垂大夫亦西垂官也王莽之西治
矣建武八年世祖至陽河竇融等悉會天水震動

水經注

卷二十

四

隗囂將妻子奔西城從楊廣廣死囂孤舊本作愁窮城

守時潁川賊起車駕東歸留吳漢岑彭圍囂岑等
壅西谷水以縑幔盛土爲堤灌城城未沒丈餘水
穿壅不行地中數丈涌出故城不壞請蜀救至漢
等退還上邽但廣廉字相狀後人因以人名名之
故習僞爲楊廉也置楊廉縣焉又東南流右會茅
川水水出西南戎溪東北流逕戎丘城南吳漢之
圍西城王捷登城向漢軍曰爲隗王城守者皆必
死無二心願諸將亟罷宋本作還請自殺以明之遂勿

譚云宕岩相
狀口必非習
偽如楊廉也

頸而死又東北流注西谷水亂流東南入于西漢

水西漢水又西南逕始昌峽始昌縣故城西晉書

地道記曰天水始昌縣故城西也亦曰清崖峽西

漢水又西南逕巖備戍巖宋作宕本南左則巖備水自

東南西北注之右則鹽官水南入焉水有鹽官在

蟠冢西五十許里相承營煑不輟味與海鹽同故

地理志云西縣有鹽官是也其水東南逕巖備戍

西東南入漢水漢水又西南合左谷水水出南山

窮溪北注漢水又西南蘭軍謝云蘭軍字誤宋本作蘭單而下文又有

水經注

卷二十

五

蘭坑疑作蘭坑水出於西北至交谷宋本作交谷東南歷祁山

軍東南入漢水漢水又西南逕祁山軍南雞水出

南雞谷北逕水南縣西北流注于漢漢水又西建

安川水入焉其水導源建威西北山白石戍東南

二源水合注東逕建威城南又東與蘭坑水會水

出西南近溪東北逕蘭坑城西東北流注建安水

建安水又東逕蘭坑城北建安城南其地故西縣

之歷城也楊定自隴右徙治歷城卽此處也去仇

池一百二十里後改爲建安城其水又東合錯水

水出錯水戍東南而東北入建安水建安水又東北有雉尾谷水又東北有太谷水又北有小祁山水並出東溪揚波西注又北左會胡谷水水西出胡谷東逕金盤歷城二軍北軍在水南層山上其水又東注建安水建安水又東北逕塞峽元嘉十九年宋太祖遣龍驤將軍裴方明伐楊難當將妻子北奔安西叅將魯尚期追出塞峽卽是峽矣左山側有石穴洞人言潛通下辨所未詳也其水出峽西北流注漢水漢水北連山秀舉羅峰兢峙祁

水經注

卷二十

六

山在璠冢之西七十里宋本無山上許里無有城

極爲巖固昔諸葛亮攻祁山卽斯城也漢水逕其

南城南三里有亮故壘壘之左右猶豐茂宿草蓋

亮所植也在上邽西南二百四十里開山圖曰漢

陽西南有祁山溪徑逶迤山高巖嶮九州之名岨

天下之奇峻今此山於衆阜之中亦非爲傑矣漢

水又西南與申宋本甲谷水合水出西南申谷東北

流注漢水漢水又西逕南岬原作岸寫之誤今改正蓋

北中岬之上下有二城相對左右墳壠低昂亘山

被阜古語一作云南岷北岷萬有餘家諸葛亮表

言祁山縣出租五百宋本云祁山縣有民萬戶矚

其丘墟信為殷矣漢水西南逕武植戍南武植戍

水發北山二源奇發合于安民戍南又南逕武植

戍西而西南流注于漢水漢水又西南逕平夷戍

南又西南夷水注之水出北山南逕其戍西南入

漢水漢水又西逕蘭倉城南又南右會兩溪俱出

西山東流注于漢水張華博物志云溫水出鳥鼠

山下注漢水疑是此水而非所詳也漢水又南入

水經注 卷二十 七

嘉陵道而為嘉陵水然世俗名之為階陵水非也

漢水又東南右右疑衍舊本得北谷水東南得

城階水疑孫作武階又東南得倉谷水右三水並出

西溪東流注漢水漢水又東南逕瞿堆西又屈逕

瞿堆南絕壁峭峙孤嶮雲高望之形若覆壺其高

二十餘里羊腸蟠道三十六迴開山圖謂之仇夷

所謂積石嵯峨嶽岑隱阿者也有平田百頃煮

土成鹽因以百頃為號山上豐水泉所謂清泉湧

沸潤氣上流者也漢武帝元鼎六年開以為武都

譚云賦無
□□畫家
□此鬱深

郡天池大澤在西故都爲目矣王莽更名樂平郡

縣曰循虜縣常璩范曄云郡居河池一名仇池池

方百頃卽指此也左右悉白馬氏矣漢獻帝建安

中有天水氏楊騰者世居隴右爲氏大帥子駒勇

健多計徙居仇池魏拜爲百頃氏王漢水又東合

洛谷李云疑脫水字谷有二源合同注一壑於神蛇戍西

左右山溪多五色蛇性馴良不爲物毒洛谷水又

南逕虎馘戍東又南逕仇池郡西瞿堆東西南入

漢水漢水又東合洛漢水孫云洛溪漢下同水北發洛

水經注 卷二十 八

谷南逕威武戍南又西南與龍門水合水出西北

龍門谷東流與橫水會東北窮溪卽水源也又南

逕龍門戍東又東南入洛漢水又東南逕上祿縣

故城西修源濬導逕引北溪南總兩川單流納漢

漢水又東南逕濁水城南又東南會平樂水水出

武階宋本作街而宋本自誤耳按下文數舉春秋亦作武階

街東北四十五里更馳南溪導源東北流山側有

甘泉涌波飛流下注平洛水又逕甘泉戍南又東

逕平洛戍南又東入漢謂之會口漢水東南逕修

□□□□□

□□□□□

□□此語□

□

□□階□並

□□□難□

城道南與修水合水總二源東北合漢漢水又東
南於槃頭郡南與濁水合水出濁城北東流與丁
令溪水會其水北出丁令谷南逕武街城西南
入濁水濁水又東逕武街城南故下辨縣治也李
倉李稚以氏王楊敵堅妻死葬陰平襲武街為氏
所殺於此矣按華陽國志十六國春秋並云破氏王楊茂搜子難敵頭為劉曜所破奔
晉壽都將李稚受其賂遺中送成都遣敵由白水橋
還武都遂即叛稚與兄侍中琰攻難敵由白水橋
進攻下辨而琰弟珣攻陰平難敵遣軍拒珣而珣
稚徑至下辨武街難敵絕其歸路四面攻之深入
無繼妻死為氏陰平所殺未詳也今廣漢郡治濁水又

水經注

卷二十

東弘休水休世本誤今據宋體蓋改正注之水北出溪南

逕武街城東而南流注于濁水濁水又東逕白石

縣南續漢書曰虞詡為武都太守下辨東三十餘

里有峽峽中白一作當水生大石障塞水流春夏輒

瀆溢敗壞城郭詡使燒石以水灌之石皆碎裂因

鑄去焉碎裂舊本作淬裂後漢書虞詡傳注引遂

無泛溢之害濁水即白水之異名也濁水又東南

渥陽水北出渥谷南逕白石縣東而南入濁水濁

水又東南與仇鳩水合水發鳩溪南逕河池縣故

譚云尚婆與
聖女相連便
有婦情
宋云余嘗在
武功道中遠
望終南有微
雲帶山寨聳
明滅狀若爲
□讀此注太
□又在心目
間矣

城西王莽之樂平亭也其水西南流注濁水濁水
又東南與河池水合水出河池北谷南逕河池戍
東西南入濁水濁水東南兩當水注之水出陳倉
縣之大散嶺西南流入故道川謂之故道水西南
逕故道城東魏征仇池築以置戍與馬鞍山水合
水東出馬鞍山歷谷西流至故道城東西入故道
水西南流北川水注之水出北洛櫛山南南流逕
唐倉城下南至困豕川入故道水故道水又西南
歷廣香交合廣香川水水出南田縣利喬山利一作穆
水經注 卷二十 十
南流至廣香川謂之廣香川水又南注故道水謂
之廣香交故道水又西南入秦岡山尚婆水注之
山高入雲遠望增狀若嶺紆曦軒峰駐月駕矣懸
崖之側列壁之上有神象若圖指狀婦人之容其
形上赤下白世名之曰聖女神至於福應愆違方
俗是祈水源北出利喬山南逕尚婆川謂之尚婆
水歷兩當縣之尚婆城南魏故道郡治也西南至
山入故道水故道水右又合黃盧山水水出西北
天水郡黃盧山腹歷谷南流交注故道水故道水

鍾云千古漕
四字畧盡

南入東益州之廣漢郡界與沮水枝津合謂之兩
當溪水上承武都沮縣之沮水瀆西南流注于兩
當溪虞詡為郡漕穀布在沮從沮縣至下辨山道
嶮絕水中多石舟車不通驢馬負運餽五致一詡
乃於沮受餽直約自致之即將吏民按行皆燒石
櫛木開漕船道水運通利歲省萬計以其餽廩與
吏士年四十餘萬也後漢書作燒石翦木開漕是道以人餽直僱傭者於

水運四十餘萬又西南注于濁水濁水南逕槃頭郡

東而南合鳳溪水水上承濁水於廣漢郡南逕鳳

水經注

卷二十

十一

一

溪中有二石雙高其形若闕漢世有鳳凰至舊本作鳳

鳳上疑當作故謂之鳳凰臺北去郡二里水出臺

下東南流左注濁水濁水又南注漢水漢水又東

南歷漢曲逕挾崖與挾崖水合水西出檐潭交東

流入漢水漢水又東逕武興城南又東南與北谷

水合水出武興東北而西南逕武興城北謂之北

谷水南轉逕其城東而南與一水合水出東溪西

流注北谷水又南流注漢水漢水又西南逕關城

北除水出西北除溪東南流入于漢漢水又西南

逕通谷通谷水出東北通溪上承漾水西南流爲西漢水漢水又西南寒水注之水東出寒川西流入漢漢水又西逕石亭戍廣平水西出百頃川東南流注漢又有平阿水出東山西流注漢水又逕晉壽城西而南合漢壽水水源出東山西逕東晉壽故城南而西南入于漢水也

又東南至廣魏

宋本作廣漢

白水縣西又東南至葭萌縣

東北與羌水合

白水西北出于臨洮縣西南西傾山水色白濁東

水經注

卷二十

十二

南流與黑水合水出羌中西南逕黑水城西又西南入白水白水又東逕洛和城南洛和水西南出和溪東北流逕南黑水城西而北注白水白水又東南逕鄧至城南又東南與大夷祝水合水出夷祝城西南而窮溪北注夷水又東北合羊洪水出東南羊溪西北逕夷祝城東又西北流屈而東北注于夷水夷水又東北入白水白水又東與安昌水會水源發衛大西溪東南逕鄧至安昌郡南又東南合無累水無累水出東北近溪西南入安昌

水安昌水又東南入白水白水又東南入陰平得東維水水出西北維谷東南逕維城西東南入白水白水又東南逕陰平故城南王莽更名摧虜矣卽廣漢之北部也廣漢屬國都尉治漢平帝永初三年按漢紀平帝有永初始分廣漢蠻夷置有白馬

水出長松縣西南而白馬漢一作東北逕長松縣

北而東北注白水白水又東逕陰平大城北蓋其渠帥自故城徙居也白水又東偃溪水出西南偃溪東北流逕偃城西而東北流入白水白水又東

水經注

卷二十

十三

逕偃城北又東北逕橋頭昔姜維之將還蜀也雒

州宋本作刺史諸葛緒邀之於此後期不及故維

得保劔閣而鍾會不能入也白水又與羌水合自下羌水又得其通稱矣白水又東逕郭公城南昔郭淮之攻廖化於陰平也築之故因名焉白水又東雒川水出西南雒溪東北注白水白水又東合空冷水傍溪西南窮谷卽川源也白水又東南與南五部水會水有二源西源出五部溪東南流東源出郎谷西南合南注白水白水又東南逕建陽

郡東而北與一水合二源同注共成三溪西南流
入于白水白水又東南逕白水縣故城東卽白水
郡治也經云漢水出其西非也白水又東南與西
谷水相得水出西溪東流逕白水城南東南入白
水白水又南左會東流水入極溪便卽水源也白
水又南逕李云疑脫武字興城東又東南左得刺稽水口
溪東北出便水源矣白水又東南清水左注之庾
仲讎曰清水自祁山來合白水斯爲孟浪也水出
於平武郡東北矚累亘下南逕平武城東屈逕其

水經注

卷二十

十四

城南又西歷平洛郡東南屈而南逕南陽僑郡東
北又東北宋本作東南逕新巴縣東北又東南逕始平

僑郡南又東南逕小劔戍北西去大劔三十里連

山絕嶮飛閣涌一作通衢故謂之劔閣也張載銘曰

一人守嶮萬夫趨趨信然故李特至劔閣而嘆曰

劉氏有如此地而面縛於人豈不奴才也小劔水

西南出劔谷東北流逕其戍下入清水清水又東

南注白水白水又東南孫云疑逕字於吐費城南卽西

晉壽之東北也東南流注漢水西晉壽卽蜀土弟

鍾云此與秦
口之謳同意
點化千古麓
心淺學人

葭萌所封為苴侯邑故遂城為葭萌矣劉備改曰漢壽太康中又曰晉壽水有津關段元章善風角弟子歸元章封筒藥授之曰路有急難開之生到葭萌從者與津吏爭打傷其破頭者可以此藥裹之生乃歎服還卒業焉亦廉叔度抱父柩自沈處也後漢司馬廉范字叔度京兆杜陵人父丹王莽時為大庸部牧客死于蜀范遂流寓西州後時歸鄉里抱持棺柩遂西沈溺衆傷其義鉤求得石破沒范抱持棺柩遂俱沈溺衆傷其義鉤求得石免療於死僅

又東南過巴郡閬中縣

水經注

卷二十

十五

巴西郡治也劉璋之分三巴此其一焉闕駟曰强水出陰平西北强山一曰强川姜維之還也鄧艾遣天水太守王頎敗宋本作于强川即是也其水東北逕武都陰平梓潼南安入漢水漢水又東南逕津渠戍東又南逕閬中縣東閬水出閬陽縣而東逕其縣南又東注漢水昔劉璋之攻霍峻於葭萌也自此水上張達范彊害張飛於此縣漢水又東南得東水口水出巴嶺南歷獠中謂之東遊水李壽之時獠自牂牁北入所在諸郡布滿山谷其

水西南逕宋熙郡後魏地理志益州有宋熙郡比領

東又東南逕平城東又東南逕巴西郡東又東入

漢水漢水又東與濩溪水合水出獠中世亦謂之

爲清水也東南流注漢水漢水又東南逕宕渠縣

東又東南合宕渠水水西北出鄭縣南巴嶺與槃

余水同源派注南流謂之北水東南流與難水合

水出東北巴山西南注之又東南流逕宕渠縣謂

之宕渠水又東南入漢

又東南入漢州江津縣東南入于江

水經注 卷二十 十六

涪水注之故仲雍謂涪內水者也

丹水出京兆上洛縣西北冢嶺山

名高豬山也丹水東南流與清池水合水源東北

出清池山西南流入于丹水

東南過其縣南

縣故蜀李云疑屬京兆晉分爲郡地道記曰郡在洛

上故以爲名竹書紀年晉烈公三年楚人伐我南

鄙至於上洛楚水注之楚水出上洛縣西南楚山

昔四皓隱於楚山卽此山也其水兩源合舍宋本無舍

字於四皓廟東又東逕高車嶺南御山上高有士四傳高

碑及祠皆漢惠帝所立也漢高后使張翼帶衆流

北轉入丹嶺宋本作嶺上有四皓廟丹水自倉野又

東歷兔和山即春秋所謂左師軍於兔和右師軍

於倉野者也

又東南過商縣南又東南至于丹水縣入于洧

契始封商魯連子曰在太華之陽皇甫謐闕駟並

以為上洛商縣也殷湯之名起於此矣丹水自商

縣東南流注歷少習出武關應劭曰秦之南關也

水經注 卷二十 十七

通南陽郡春秋左傳哀公四年楚左司馬使謂陰

地之命大夫士蔑曰晉楚之當作盟好惡同之不

然將通於少習以聽命者也京相璠曰楚通上洛

阨道也漢祖下浙酈攻武關浙當作析酈因襲攻武關

破文穎曰武關右謝云疑浙縣西一百七十里弘

農界也丹水又東南流入曰口歷其戍下又東南

浙水出浙縣西北弘農盧氏縣大蒿山南流逕修

陽縣故城北縣即浙之北鄉也又東入浙縣統本

作流結成潭謂之龍淵清深神異耆舊傳云漢祖入

□云此注水經析當加水不得以彼文相蒙況浙水浙縣浙口皆從浙又安知析非省文□仍是浙耶
譚云斬蛇人□□□能

見潭底物□
用燃犀此淵
之異匪人不
顯

關逕觀是潭其下若有府舍焉事既非恒難以詳
矣其水又東逕其縣故城北蓋春秋之白羽也左
傳昭公十八年楚使王子勝遷許於浙是也郭仲
産云相承言此城漢高所築非也余按史楚襄王
元年秦出武關斬衆五萬取浙一十五城漢祖入
關亦言下浙酈非無城之言循之則可矣浙水又
歷其縣東王莽更名縣爲古亭也而南流入丹水
縣注于丹水故丹水會洑有浙口之稱丹水又東
南逕一故城南名曰三戶城昔漢祖入關王陵起

水經注

卷二十

十八

兵丹水以歸漢祖此城疑陵所築也丹水又逕丹
水縣故城西南縣有密陽鄉古商密之地昔楚申
息之師所戍也春秋之三戶矣杜預曰縣北有三
戶亭竹書紀年曰壬寅孫何侵楚入三戶鄆者是
也水出丹魚先夏至十日夜伺之魚浮水側赤光
上照如火網而取之割其血以塗足可以步行水
上長居淵中丹水東南流至其縣南黃水出北予
山子一黃谷南逕丹水縣南注于丹水黃水北有
墨山山石悉黑績彩奮發黝焉若墨故謂之墨山

□云如此設
□乃□□□

譚云秦文伐
樹而牛入水
其牛如鬼蕭
欣伐樹而蛇
入山其蛇獨
神

今河南新安縣有石墨山斯其類也丹水南有丹

崖山山悉赭壁霞舉若紅雲秀天二岫更爲殊觀

矣丹水又南逕南鄉縣故城東北漢建安中割南

陽右壤爲南鄉郡逮晉封宣帝孫暢爲順陽王因

爲立順陽郡而南鄉爲縣舊始鄴城永嘉中丹水

浸沒至永和中徙治南鄉故城城南門外舊有郡

社栢樹大三十圍蕭欣爲郡伐之言有大蛇從樹

腹中墜下大數圍長三丈羣小蛇數十隨入南山

聲如風雨伐樹之前見夢於欣欣不以厝意及伐

水經注

卷二十

十九

之吏孫云吏疑作更少日果死丹水又東逕南鄉縣北興

寧末太守王靡之改築今城城北半據在水中左

右夾溪宋本作夾澗深長及春夏水漲望若孤洲矣城

前有晉順陽太守丁穆碑郡民范甯立之丹水逕

流兩縣之間歷於中之北所謂商於者也故張儀

說楚絕齊許以商於之地六百里謂以此矣呂氏

春秋曰堯有丹水之戰以服南蠻卽此水也又南

合洧水謂之浙水

水經注卷二十